

der noth / so nehe ein Tüchlein in diesem Wasser / vnd lege es dem Krancken vierfach auff's herz / wenn es drucken worden / so nehe es wider / das zeucht ihm alle gifft vom herzen / vnd erfrischt ihm das hitzig herz.

Leblichen den Kreuttern vnd Wurkeln / auch allen Speceren / jr Krafft außzuzihen / ist der schlechste Weg / durch ire engene Wasser / dadurch wirdt der safft der Kreutter lieblicher / vnd nicht so hitzig im Leib zugeniesen / wie die vorigen wege / droben angezeiget / vnd geschicht also :

Nimb Petersilien wasser / geuß es auff Petersilien kraut / in ein Glas / vermache es wol / setze es an die Sonne zehen tag / darnach geuß es in ein reines tüchlein / alles mit einander / vnd zwing es rein herdurch / was im tüchlein bleibet / das würff hinweg / nimb ander frischen Petersilien / ein wenig zuhackt / geuß das durch gezwungene wasser auff die Petersilien in ein glas / wol vermacht / setze es wider an die Sonne zehen tag auch wol vierzehen / denn zwing es zusammen wider durch ein tüchlein / vnd geuß es zum dritten mal auff frische Petersilien / laß es wider vierzehen tage stets an der Sonnen stehen / denn zwing es wider zum dritten mal durch ein tüchlein / das durchgedruckte geuß in ein rein schüssel / darein lege ein reines feuchtes stücklein von einem filz / vnd laß es fein schön vnd lautter durch den filz in ein reines glas fließen / was hinten in der schüssel bleibt / das thue weg / mache die schüssel rein / geuß das ab gedistillirte wasser / durch den filz wider in die schüssel / vnd lege das stücklein filz rein außgewaschen wider in die schüssel / vnd laß es noch einmal herüber distillirn / dann nimb das Wasser / geuß es in ein reinen Kolben / setze einen helm daruff / setze es ins Bañeum Mariæ , vnd ein glas vornen daran / distillir das Wasser mit gar lindem feuer herüber / so bleibt auch vnten am boden des Kolbens ein schön herzlich lieblicher Petersilien safft / dessen ein tröpflein so viel thut / als ein handvoll Petersilien / vnd auff diese weiß kanstu auff allen Kreuttern also ihre krafft vnd Wirkung bekommen / sonder auß

Gitterkron.

D iij

allen